



**AGINDUA, INGURUMEN ETA LURRALDE POLITIKAKO SAILBURUARENA, ZEINAREN BIDEZ ONARTZEN BAITA HASIERAKO ONESPENA EMATEA ORDUNTE (ES2130002) KONTSERBAZIO BEREZIKO EREMUAREN (KBE) HELBURUAK ETA ARAUDIA JASOTZEN DITUEN DOKUMENTUARI.**

2010eko irailaren 6ko Aginduaren bidez, eskualde biogeografiko atlantikoko kontserbazio bereziko eremuak izendatzeko Dekretua onartzeko espedienteari hasiera eman zitzaion; horien artean, BGL ES2130002 Ordunte dago.

Prozedura hasi eta beharrezko azterlanak egin ondoren, ondorioztatu da eremu horretan, gutxienez, Batasunaren intereseko habitat naturalen 13 mota daudela; horietako lauk lehentasunezko izaera dute. Era berean, eremu horretan 43/92/EE Zuzentarauaren II. eranskineko zazpi espezie daude, gutxienez. Hainbat guneren kontserbazio-egoerak fauna interesgarria izateko aukera ematen du. Ildo horretatik, hezegune txikiak nabarmendu behar dira, bertan anfibioen talde interesgarria bizi baita, horien artean, bereziki menditar eta reliktoak diren espezieak daude, hala nola gailurretako uhandrea edo baso-igel iberiarra. Era berean, KBEn, hegaztien biztanle asko daude; besteak beste, saia arrunta edo okil beltza bezalako interes bereziko espezieak daude. Horrez gain, nabarmendu beharra dago Rosalia alpina, Euphydras aurinia edo Callimorpha quadripunctaria bezalako espezie ornogabeak ere badaudela. Intereseko florari dagokionez, *Eriophorum vaginatum*, *Bartsia alpina*, *Gentiana lutea*, *Menyanthes trifoliata*, *Trichomanes speciosum* edo *Woodwardia radicans* bezalako espezieak daudela azpimarratu behar da. Orduntek duen kasuistika berezi hori dela-eta, komeni da mendialde horretarako berriazko dekretu-proiektua egitea.

Xedapen Orokorrak Egiteko Prozeduraren abenduaren 22ko 8/2003 Legea betetzeko asmoz, dagoeneko dekretu-proiektu egituratua egin denez, eta hori bat datorrenez 2010eko irailaren 6ko Aginduaren planteamenduekin, bidezkoa da dekretu hori onartzeko beharrezko izapideekin aurrera egitea. Hala ere, aurretiaz, hasierako agindu horien ostean ordenamendu juridikoan txertatutako arau-berrikuntza bat sartu dela nabarmendu beharra dago, duten garrantziarengatik kontuan hartu behar baita Natura 2000 Sareko eremuak izendatzeko dekretuak egin eta onartzeko prozesuan.

1/2010 Legeak Euskal Autonomia Erkidegoko natura babesten duen ekainaren 30eko 16/1994 Legean egindako aldaketari esker, Natura 2000 Sarea naturagune babestutzat jotzen da. Geroago, 2/2013 Legeak aldaketa berria ekarri zuen eta hori Euskal Autonomia Erkidegoko Natura Kontserbatzeko Legearen testu bategina onartzen duen apirilaren 15eko 1/2014 Legegintzako Dekretuan jasotzen da. Azken horren 22. artikuluan honako hau ezartzen da:

1. - Eusko Jaurlaritza izango da Batasunaren garrantzizko lekuak proposatuko dituena, eragindako herri-administrazioen eta sektore sozial zein pertsona interesdunen parte-hartze egiazko eta eraginkorra ziurtatuz prozeduran. Aukeraketa hori 92/43/EE Direktibaren III. eranskinean datozen irizpideetan eta dagokion informazio zientifikoan oinarrituta egingo du

2.- Natura 2000 Sareko lekuak izendatzeko prozedurek eragindako herri-administrazioen zein pertsona interesdunen parte-hartze egiazkoa eta eraginkorra bermatuko dute.

3.- Txostenak, bere tramitazioaren hasierako faseetatik hasita, memoria ekonomiko bat izango du, zeinak espresuki jasoko dituen 92/43/EE Direktibaren 8. artikuluan jasotako baterako finantzaketa komunitarioaren arabera beharrezkotzat hartzen diren aurreikuspenak

4.- Kontserbazio bereziko eremuak (KBE) eta hegaztientzako babes bereziko eremuak (HBBE) izendatzeko dekretuek halaber beharrez izan beharko dituzte honako hauek: lekuaren eta bere mugaketaren kartografia, izendapena arrazoitzen duten Batasunaren intereseko habitat motak eta animalia- eta landare-espezieak, horien kontserbazio-egoerari buruzko balorazio bat, lekuaren kontserbazio-helburuak eta jarraipen-programa bat.

5.- Kontserbazio bereziko eremuak (KBE) eta hegaztien babeserako eremu bereziak (HBBE) izendatzeko dekretuek kontuan hartuko dituzte Eusko Jaurlaritzak eremu horiek kontserbatzeko sortutako arauak. Eusko Jaurlaritzak eremu horiek kudeatzeko jarraibideak eranskin gisa argitaratzeko agindua emango du.

Lurralde historikoetako foru-organoek kudeaketa-jarraibideak onartuko dituzte, kontserbazio-helburuak oinarri hartuta, honako hauek jasoko dituztenak: eremuak kontserbazio-egoera egokian mantentzeko neurri egokiak, habitat naturalak eta espezieen habitatak hondatzea ekiditeko neurri egokiak eta inguru horien izendapena bultzatu duten espezieei eragiten dieten aldaketak ekiditeko neurriak. Plan horiek bereziki aintzat hartu beharko dituzte azalera osoa zein bere lurzorua zati handi bat leku horietan daukaten udalerrien beharrak. Baldintza horien arabera egingo diren jarraibideak Eusko Jaurlaritzan eskumena duen sailari bidali beharko zaizkio, dagokion izendatze-dekretuaren eranskin gisa argitara ditzan.

6.- Kontserbazio bereziko eremuek (KBE) eta hegaztien babeserako eremu bereziak (HBBE) natura-parkeekin bat egingo balute, horiek izendatzeko dekretuek 18. artikulua ezarritakoa kontuan izan beharko dute.

Horregatik, horri guztiari jarraiki, honako hauek bereizi behar dira: batetik, Eusko Jaurlaritzaren eskumena dago; horren bitartez, eremu horien izendapena onartzen du, baita horren kartografia, izendapena arrazoitzen duten Batasunaren intereseko habitat motak eta animalia- eta landare-espezieak, horien kontserbazio-egoerari buruzko balorazio bat, lekuaren kontserbazio-helburuak, jarraipen-programa bat eta alde arauemailea (1/2014 Legegintzako Dekretuaren 22.4 artikuluan eta 22.5 artikuluan lehen paragrafoan jasota; eta, bestetik, foru-organoen eskumena dago; horren bitartez, kudeaketa-jarraibideak onartzen dituzte, Eusko Jaurlaritzak ezarritako kontserbazio-helburuak oinarri hartuta, eta honako hauek jasoko dituzte: eremuak kontserbazio-egoera egokian mantentzeko neurri egokiak, habitat naturalak eta espezieen habitatak hondatzea ekiditeko neurri egokiak eta inguru horien izendapena bultzatu duten espezieei eragiten dieten aldaketak ekiditeko neurriak (1/2014 Legegintzako Dekretuaren 22.5 artikuluan bigarren paragrafoan.) Dokumentu biak elkarrekin argitaratu beharko dira EHAA. Horregatik, administrazio bien arteko lankidetzak bideak garatu behar dira, emaitzak

helbururako koherenteak eta eraginkorrak izateko, eta, aldi berean, herri partaidetza behar bezalakoa izatea ahalbidetzeko.

Horregatik, 8/2003 Legearen 7.1 artikuluan ezarritakoarekin bat honako hau

**EBAZTEN DUT:**

Lehena.- “Ordunte” (ES2130002) Kontserbazio Bereziko Eremuaren (KBE) informazio ekologikoa, araudia eta kontserbazio-helburuak jasotzen dituen dokumentuari hasierako onespena ematea.

Bigarrena.- Prozedura izapidetzen jarraitzea, eta Agindu hau Bizkaiko Foru Aldundira bidaltzea, espediente osoaren kopiarekin batera; horrela, proiektu honetan ezarritako kontserbazio-helburuen baitan, 1/2014 Legegintzako Dekretuaren 22.5 artikulua bigarren paragrafoak aipatzen dituen kudeaketa-jarraibideak egiteari ekin diezaion.

Hirugarrena.- Bi administrazioen arteko lankidetzaren sustatzen jarraitu beharko da, dokumentuen behar bezalako ezarpena egiteko; horrela, posible bada, dokumentu osoaren baterako informazio publikoko izapidea egingo da, hau da, Eusko Jaurlaritzaren zatia eta Bizkaiko Foru Aldundiaren zatia batera.

Vitoria-Gasteizen,

**INGURUMEN ETA LURRALDE POLITIKAKO SAILBURUA**

Izpta.: ANA OREGI BASTARRIKA